

03 MAR 1999

SABAH: DR MAHATHIR LAWAT SABAH TIGA HARI MULAI ESOK

KOTA KINABALU, 3 Mac (Bernama) -- Perdana Menteri Datuk Seri Dr Mahathir Mohamad dijadualkan tiba di sini petang esok untuk lawatan tiga hari ke Sabah yang akan menghadapi pilihan raya negeri pada 12-13 Mac ini.

Menurut aturcara yang dikeluarkan oleh Jabatan Penerangan di sini, Perdana Menteri akan menghadiri majlis pemimpin bersama rakyat di Dewan Masyarakat Menggatal pada sebelah malam.

Pada Jumaat, beliau akan berada di majlis bersama guru-guru agama, imam dan ustaz di Dewan Saadah, Wisma Muis di sini, sebelum menunaikan solat Jumaat bersama-sama penduduk Kawang di Masjid Kawang, kira-kira 40km dari sini.

Pada sebelah petang beliau akan bertemu rakyat di Dewan Datuk Salleh Sulong, Papar sebelum bertemu rakyat di Dewan Kompleks Sukan Likas, di sini.

Pada pagi Sabtu beliau akan bertemu rakyat di Penampang sebelum berlepas ke Wilayah Persekutuan Labuan bagi meneruskan lawatan ke pulau itu pada sebelah tengah hari.

-- BERNAMA

JS PR